



**Ecclesiasticae Historiae, Et Dicta, Inprimis Memorabilia,
Christi, Apostolorum, Martyrum, Confessorum, Doctorum,
& hostium veteris Ecclesie: singulari iudicio, & pio studio,
ex Eusebio Cæsariensi ...**

Eusebius <Caesariensis>

Haer. Chr. Egen., 1571

VD16 E 4284

60. De Philea Episcopo In Thumi oppido, & Philoromo milite vnà capitis
pœna damnatis & interfectis. cap. 10.

[urn:nbn:de:hbz:466:1-69335](https://nbn-resolving.de/urn:nbn:de:hbz:466:1-69335)

IN illis (martyribus) per diuinam gratiam
maior fidei, quam ignis ardor fuit.

*Martyribus multò maior fidei ardor in ipsis,
Quām flammæ vrentis corpora sancta fuit.
Hæc de martyribus, quos Nicomedia vidit,
Eusebius sancto protulit ore pios.*

59. DE MARTYRIBVS, QVI-
bus apud Tyrum electis, cùm bestiæ eti-
am concitatè nocere noluerint, ho-
mines eos impij & crudeles mise-
rè excruciant & interfici-
unt, cap. 7.

Bestiarum feritas, Dei virtute mansue-
scit, humana verò rabies, nec ferarum
mitescit exemplis.

*Mansuescit feritas Domini virtute ferarum.
Martyribus possint ne nocuisse pijs.
Ast hominum rabies non his furiosa ferarum
Leniri exemplis, cordaq; dura queunt.
Hæc de martyribus Tyria testatus in vrbe est
Eusebius, quorum millia multa refert.*

60. DE PHILEA EPISCOPO IN
Thumi oppido, & Philoromo milite
vnà capitis pœna damnatis &
interfectis, cap. 10.

Clarus

Clarus erat Thumi Phileas vir Episcopus, atq;₃
 Philoromos miles, martyr vterq; Dei.
 Martyras est inter Phileas ad vincula ductus
 Presidis ad sedem, iudicij q₃ locum.
 Hunc, claro siquidem fuerat vir stemmate natus,
 Et cunctis tota charus in vrbe viris:
 Hortatur præses, Christi ne dogmata propter
 Tot tolerare velit vulnera, flagra, necem.
 Respiciat multas lachrymas, hortatur, amat &
 Coniugis, & sobolem, pignora cara, pater.
 Nil ait, his flexus Phileas, sunt martyras inter
 Coniunx & Christi, pignora cara mei.
 Callidus hunc præses dum multis instat & vrget,
 Philoromus clamans, hæc pia verba refert:
 Quid studio tantum robur tentatis inani
 Flectere, & insignem tam pietate virum?
 Ut Phileas frangat, vos an suadetis atroces
 Promissam Domino quam dedit ipse fidem?
 Quidue negare Deum pœnis vos cogitis illum,
 Mortali ut placeat vir magis atq; Deo.
 Qui lachrymae possunt terrena flectere, cuius
 Aspiciunt oculi gaudia vera Dei?
 Hæc ubi Philoromos dixit, damnatus & ipse
 Cum Philea capitis, cœlica regna petit.

61. DICTVM PHILEAE AD
 Thumitas de martyribus,
 Ibidem.